

# تجارب القبول الخارجي لجامعة الأميرة نورة



PNU\_batch442

CH  
● Team

1

بسم الله الرحمن الرحيم معكم رنا حسين طالبة بكلية الطب  
♥♥ باذن الله راح اشرح كل شيء يخص التقديم اليدوي واجابوب ع اغلب الاسئلة اللي  
وصلتني بنهاية الصفحة اول شيء انا من سكان الخبر وموزونتي ٩٦ وقدمت  
الالكتروني وما انقبلت وكنت عارفة اني ماراح انقبل لانني من خارج الرياض بس لازم  
اقدم عشان بياناتي تكون عندهم \* ضروري التقديم الكتروني \* ، ثاني شيء فتح  
التقديم اليدوي بعد نتائج الالكتروني باسبوع تقريباً وكان مدته اسبوع \*واخر يوم زي  
ما سمعت ان ما استقبلوا البنات \* رحتم واخذت معي صورة من شهادتي الثانوية  
وصورة من بطاقة الاحوال وكرت العائلة واخذت ورقة تقاعد بابا \* ما اعرف اذا  
فادتني الورقة هذي او لا ، بس اي شيء ممكن يساعدكم بالقبول خذوه مثل ورقة  
تقاعد ولي الامر او عقد ايجار \* بالنسبة للي تجيب صك بيت باسم ولي الامر  
يعاملونها معاملة بنات الرياض ، بعد كذا اتصلوا علي بالاسبوع اللي بعده وترشحت  
للمقابلة وبعد المقابلة يتصلون ويعطونكم خبر اذا انقبلت بس فيه شيء لازم تعرفونه  
ان الجامعة من كل مدينة تاخذ عدد معين من الطالبات واللي هم اعلى موزونة ، عادي  
تلاقين وحدة اقل من موزونتك وانقبلت بس لانها من مدينة ثانية.

وشيء ثاني ضروري تعرفونه ان مهما قالولكم مافيه الا دبلوم ومافيه صحي انشبووا  
😂 لان فيه غرفة سرية للي من برى الرياض وعادي يسجلون بكل التخصصات.

الاسئلة اللي جاتني مكررة من البنات:- هل راح يكون فيه تقديم يدوي السنة هذي او  
لا؟ ما اعرف والله بس ان شاءالله يكون فيه.- كيف سكن الجامعة؟  
انا بسكن خاص مو بسكن الجامعة \* ولكن بتلاقون في القناة تجارب السكن وكمان  
قروب لطالبات السكن\* .- كم اخر موزونة وقف عليها الطب ؟  
محد يعرف لان المعدلات تختلف بالتحضير.

والله يوفقكم يارب ويفرحكم بالقبول ، اي شيء تحتاجونه تواصلوا معي تليفرام

ra\_ja2 📩 ع الرحب والسعة ♥♥♥

2

السلام عليكم ❤️

أنا خديجة طالبة طب بشري من المنطقة الشرقية وتحديداً مدينة الدمام، قدمت يدوي السنة الي فانت مسار صحي بجامعة الأميرة نورة وراح أتكلم لكم عن أهم الأشياء الي تسوونها أولاً الوقت، كثير يسأل متى التقديم وشايل هم يجي الوقت ومايدري فا أحب أقولكم مرة لا تخافون من هالناحية لان اول ما يبدأ التقديم لو كان فيه هذي السنة ان شاءالله راح ينتشر ان فيه بقروبات الواتساب والتلغرام وتويتر وراح يوصلكم خبر منا ان شاءالله لو عرفنا ثانياً ايش المستندات المطلوبة؟ ، جبت معاي السنة الماضية نسخة من هويتي وبطاقة العائلة ونسخة من شهادة الثانوية ونسخة من أعلى درجة قدرات ونسخة من أعلى درجة تحصيلي وبعض الشهادات الي كانت عندي زي شهادة مركز موهبة وغيره (مو ضرورية الشهادات الاضافية هذي بس عشان تقوي نسبة قبولكم باذن الله)

ثالثاً كيفية التقديم ، تروحون بالمواعيد الي بتوصل لكم ان شاءالله عن وجود تقديم يدوي وبتقدمون بمكتب خاص للطالبات الي خارج الرياض اسألوا هناك وراح يدلونكم

رابعاً مابعد التقديم اليدوي ايش يصير ؟ اذا قدمتموا بعدها بأسبوع او اسبوعين تقريباً المقبولين راح يترشحون للمقابلات والمقبولين بعد المقابلة بتتواصل معاهم الجامعة لاستلام اشعار القبول

ملحوظة مهمه، سجلوا ببوابة القبول الموحد للرياض حتى لو كنتوا من خارجها وعارفين ماراح تتقبلون الكتروني بس لازم تسجلون عشان وقت التقديم اليدوي الجامعة لازم تفتح ملفكم بالقبول الموحد.

الله يوفقكم وييسر لكم ويعطيكم الي بخواتركم ❤️

اذا عندكم اي استفسار بخصوص اي شي هذا الرابط حقي سألوني وبإذن الله ماراح اقصر

<https://curiouscat.qa/khdijah711>

بالتوفيق جميعاً ❤️

### 3

اول شي بيطلع كلام كثييير كثييير انو مايقلوكم وخرابط بس صلو عالنبي واسحبو عليهم 🤔🤔🤔

انا رحت قبل ماتطلع النتائج كنت خايفه وقابلت حقت القبول وقالت لي تعالي بعد ما تطلع النتائج وان شاء الله خير ،

طلعت النتائج اتوقع كان يوم خميس وما انقبلت طبعاً والاحد طوالي رحت للجامعة ثاني بتتعبو بتتعبو لين يدلوكم على مكتب حقون اليدوي وبيسالوكم عن موزونتكم بعدين بيعطوكم ورقه وفيها رقم المكتب ،

بس تدخل المكتب بياخذو منك الاوراق الاساسيه ( سبب نقل سواء كان شغل والدك او اي احد، زواج ، صك بيت او عقد ايجار ، نسخه من شهادتك ، احوالك واحوال ابوك، اذا كان متقاعد تجيبي ما يثبت تقاعده ،كرت العايله واهم شي اسمك بيان ) ،

الاوراق اللي انا جبتها كانت ( احوالي ، اثبات عمل ، تقاعد ابويا، احوال ابويا وكرت العايله طبعاً نسخ ، نسخه من الشهاده، عقد ايجار).

تكتبي ٣ رغبات وغالبا تنقبلي بالاولى اذا كانت نسبتك تدخلك ❤️.

وبس والله من اسبوع لاسبوع عين بيجيك اتصال ويقولوك انقبلتي

والحمدلله اتقبلت برغبتي الاولى "كيمياء"

اي استفسار حسابي بالتليجرام :

📩 Ma\_2215

وبالتوفيق

4

أهلاً 🌿💛💛

انا طالبه من خارج منطقه الرياض ( الجنوب ) شهاده الثانويه من الجنوب والحمدلله تم قبولي 🤝❤️

بنسبهه لقبولي بجامعة الاميره نوره بنت عبد الرحمن ( انقبلت الكتروني ) 🛑 الرغبه الأولى كانت جامعه الملك سعود لكن م انقبلت فيها وانقبلت بنوره الرغبه التخصص الاولى " تربيه خاصه " موزونتي ٨٥ وانقبلت تربيه خاصه درست سنتين بتربيه خاصه وحولت لطفوله مبكره وكانن له شروط طبعا 📄❤️

الشروط ان المعدل 4.25

ومقابلته - واختبار .. طبعا كلهم الحمدلله اجتزتهم والحين تخصصي طفوله مبكرهه 📄💛



w2\_\_q



qaii\_4

5

انا راحت اختي مو انا كان معها كل اوراقي تقرير الدرجات وحتى مرتبة الشرف ودرجات القدرات والتحصيلي بالبدايه قالوا لها انه مافي تقديم يدوي بس بعدين ادوها موعد وقالو لها تعالي وراحت واعطتهم الاوراق وكل شي اسبوع تقريبا ودقو عشان المقابله



PNU\_batch442

CH  
Team